

四庫全書

集部

欽定四庫全書

集部

本堂集卷一至三

詳校官庶吉士_臣李傳熊

主事_臣呂雲棟覆勘

總校官進士_臣朱鈴

校對官主事_臣陳墉

謄錄監生_臣吳貽棟

欽定四庫全書

集部四

本堂集

別集類三 宋

提要

臣等謹案本堂集九十四卷宋陳著撰著字子微號本堂鄞縣人寶祐四年進士官著作郎出知嘉興府忤賈似道改臨安通判是集凡詩三十四卷詞五卷雜文五十五卷據其原目尚有講義二卷此本有錄無書蓋傳寫

佚之矣宋代著作獲存于今者自周必大樓
鑰朱子陸游楊萬里外卷帙浩博無如斯集
惟其詩多沿擊壤集派文亦頗標語錄之體
不及周樓陸楊之淹雅又獎借二氏往往過
當尤不及朱子之純粹然宋自元祐以後講
學家已以說理之文自闢門徑南渡後輾轉
相沿遂別為一格不能竟廢且真德秀作文
章正宗甄別最嚴胡寅作崇正辨攻駁尤力

而德秀西山集寅斐然集為二氏操觚者不
一而足亦未可獨為著咎披沙簡金時有可
采宋人舊帙固不妨存備一家也乾隆四十
六年九月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

本堂集卷一

宋 陳著 撰

詩

壽馬裕齋觀文

名光字于華

山之高壽裕翁也翁之德與鍾山而俱高則翁之壽與鍾山俱久而作是詩也

天作高山大邦之屏外禦其侮王國庶定

維石巖巖維德之基天實為之是以似之
人亦有言如山之壽萬有千歲保艾爾後

山之高三章章四句

江之永美裕翁也翁之德澤源深流長民之悅之而
作是詩也

江之永矣其流湯湯整我六師告成于王
春日載陽薄言采芑泳之游之民之洽矣
清且淪漪有美一人懷哉懷哉率土之濱

江之永三章章四句

東山裕翁之志也如翁之志其為謝傳之東山乎

我徂東山以遨以遊彼采葛兮謂我何求
鳳皇于飛出自幽谷載好其音集于灌木

東山二章章四句

有鶴念已也念已之不能從翁而樂也

有鶴在林懷之好音載飛載止食野之苓

倡予和汝爰得我所何斯遠斯自貽伊阻

陟彼崔嵬豈不懷歸英英白雲跂予望之

有鶴三章章四句

五言絕句

西上罕嶺

此去向南西山高山復低不逢清話客已覺倦扶藜

絕句

窓晴雨淋瀝花空皆寂寞夢回人不見愁重酒消索

夏五朔旦示都兒學書

老去眼生花兒方學畫鴉聊將二十字要識汝傳家

長兒深生日集經語示之二首

惟友于兄弟惟順于父母無忝爾所生造端乎夫婦
君子之容舒吉人之辭寡有常則可矣欲自得之也

答妻姪趙良藩問學

藩兄欲學書來問學何如孝弟為根本文章特緒餘
元夕應人求題酒肆燈

燈花三五夜鼓笛十分春欲見太平事誰非沈醉人

續姪溥賞醪醪勸酒二首

花有重開日人無再少年相逢拚酩酊何必備芳鮮
醉時愁亦樂老去日如年慣見紅相別欣逢綠又鮮

題扇畫東坡

形神雪山松衣巾赤壁風望之凜凜然埽退炎塵紅

題扇畫東坡抱琴

謂是蘇長公如何抱絲桐不必窮是非聞名自生風

醉中出門得風

殘生有今日一醉得春風想見羲皇上人人此樂同

次兒瀾以詩四首道各意因兩用其韻

待食信天公送窮戒星奴駕言一煮字安得三分厨

宴

客

弦歌不救魯告諭難入已世事蛇赴壑吾生狗喪家

嘆

時

富貴碧筒醉襍襪火傘來何如溪山曲一笛吹寒梅

憚

熱

逃不從幼安放非效元真願事堯舜主或與夔龍親思

占

以上自道也

膏粱道之賊資財人所奴不如貧而樂客至菜一厨安客

角利蠻與觸幻世慈若已當知靠裏業自有書滿家時

俗氣炎鬱攸世燭毒惡來清當友孤竹艷當友仙梅憚

熱

風雷漢臣會天日唐主真而曹其勉旃或者一見親思

古

以上示諸兒

良月念一日郡庠置酒爐亭勞余出山且取子美
何時一樽酒重與細論文分韻賦詩韻不以及
就成十絕

人生朝陽露物變水上波茫茫宇宙間如此道義何

蘭菊不競芳鴻燕各有時可以人不如大哉義曰隨
知心不用多流俗未易一相逢輒矛盾方信有膠漆
蒲葵裁成扇瘿木斲為樽自是山林物不入紉綺門
書窓二尺繁壚亭一樽酒別去七十年此樂重回首
爾來魯泮新快覩戴席重下春分尺光乃與此際逢
草木味自同尊酒歡相與舊夢忽似觥觥不知何所
四座同寮賢一和長官契樂極忘主賓論到賁粗細
鳶魚自飛躍鳥兔空追奔中有古道在難與時情論

江湖寬相容風馬留更勤襄陽或可傳北山若為文

六言絕句

村景四首

南陌耕雲脈脈東風吹雨斜斜流水滿邨春事炊煙隔

岸人家

春

田舍灌苗戽水店家汲水施漿穉子清溪浴午老樵綠

樹休涼

夏

風生老樹飛葉雨過殘雲帶霞禾塲牛卧落日漁村鴉

起平沙

秋

雪霽山屏可畫風高雁字難書訪梅橋斷呼渡艾麥天

寒荷鋤

冬

與貝氏子

名斗書中

柴門任風開閉茅屋盡日虛閒補湊粗茶淡飯報答流

水青山

題畫扇

松下披衣坐着飛瀑巖前洗脚畫向塵汙人看教知山

林天樂

題王之朝所惠扇

八十三歲衰翁執熱也要清風此涼來自何處來自羲
之手中

本堂集卷一

欽定四庫全書

本堂集卷二

宋 陳著 撰

七言絕句

新月

老天大巧亦兒嬉
磨出霜鑪僅一眉
掛向西園瘦梅樹
閒心渾怯損南枝

春雪

夜來風雪借冬威不是東君喜弄奇也怕春濃花易過
故將寒力頓花期

春色十分

今日冠春春十分畫圖深處着儂身紛紛撲面狂蜂蝶
錯認閒人作主人

次韻孫古巖立齋

一聲喚起便成春向日庭臺擬可人本與東風舊相識
一回相見一回新

木犀

丹桂固應為密友黃花自合讓高芳
夜來獨立西風底吹入詩腸咳唾香

梅初破藥

朔風驚曉雪花乾盡力尋梅不道寒
萬事不如初見好一枝全勝滿園看

次前韻二首

玉奴留下唾花乾夜逐嫦娥入廣寒
不許世人輕着眼

謾教對此細評看

竹溪詩筆幾曾乾遺我新詩照眼寒不用尋梅霜月底
祇將詩句作梅看

杜鵑二首

催歸亦是大饒唇自不能歸底勸人行止在人終莫勸
只應勸得合歸春

萬綠陰中拚死啼如何日夜不能疲料應飽作秋冬夢
恰好如今是醒時

次韻袁司理送行三首

別友相逢情最好相逢還別苦為情看君騰踏飛黃去
記取清燈影裏盟

陰六陽三天者定重逢尊酒定何時但須別後頻相問
來往翔鴻各寄詩

瀟洒秋光山水窟木犀香底細評詩今朝攜手明朝別
此會一生能幾時

次韻月窓兄惜別四首

分付浮生一字休欲休不得是離愁如今祇怕歸無準
心在丹山最上頭

幾載詩盟兩見心自從別後可曾尋夜來夢見恩恩散
杜宇西窓月未沈

記得溪山兩袂分一溪流水落花春青驄馬上休回首
只見雲山不見人

為儂傳語竹窓兄逢着行人也寄聲聚散在天終有定
歲寒三友見交情

次韻吳竹溪

名俊民

謝單景山

名樞

載酒

杯盤移醉冠春園酒散人歸月在門何日喜還供笑語
酌君村酒侑齋盆

燕餘寄月窓兄三首

燕餘吳氏塾名

葉葉征衫來自東相逢笑語竹窓中
傍人抵死催人去
細雨吹涼一夜風

雨泣燈花夜一更醉中忘却語詩盟
料應獨立南窓下
猛拍闌干萬斛情

昨夜還鄉已夕陽夕陽今日又他鄉回頭咄咄相思語
準擬東風好送將

次前韻酬王景雲見和三首

我家西谷子鄞東西望雲山百里中回首十年塵底別
更無書落雁天風

竹邊結屋飽幽清疎落尊前大字盟子到五山儂亦到
月邊雲嶠得論情

與子相逢別未長新詩寄我寂寥鄉嚼情咀義心如醉

背立西風不自將

謝單景山載酒同賞牡丹過燕餘

珍重提尊過小園更呼貴客到尊前
教人燈下看顏色
知得浮生一夢然

次韻王文甫先生

名桂開

二首

赫赫光華奪景星
斯文宗主在先生
他年奏賦通明殿
已信君王不敢名

富貴誰能訊女星
得師自分滿平生
河汾他日書成後

王魏中間亦有名

折梅送友人

一朵梅花直一詩詩須情似此花枝能詩人去花無主
圖得重來未落時

次韻舅氏竺九成

名鏞

合圍未解急燕聊借騎誰能使大遼定遠好從鞭馬取
管城于我亦平交

次韻前人補試落歸曹娥待潮

謁祠江上且歸休有命何須企碧流好把一言寤明主
聲名當不減千秋

聞狀元是少年

聞說三魁是少年世間何必歎才難我生亦是奇男子
莫作時人一例看

次韻竹窻兄相招

酒徒元不是高陽君以詩招語亦香雖欲醉歸重九日
恐貽親怒愧王祥

次韻劉生蝶葉交飛

荷衰菊老柳微黃
蝶舞風林亦共狂
閬苑無花留不住
飛來學做小春忙

寓建寧推廳送黃子俊

名漢傑號冷齋浦城人

一聆清話覺昏蒙
尊酒何時可再同
最是秋風恃輕薄
易吹羈袂作西東

詩寄趙九新娶

名陶夫

風擺柳梢雲未乾
癡雲妬日正嬌寒
隈香公子新鴛侶

那肯興心客路難

次韻童尚質

落日孤煙水遶村山家燈火已昏昏幽人事業書窓底
自讀離騷半掩門

次韻前人新晴三首

流鶯恰恰報新晴如醉春光暢踏青金犢車前詩料足
不妨分付入騷情

泥香風軟燕忙時宿酒微中起較遲試捲珠簾問花事

畫鞦韆外裊晴絲

院靜宵深冷麝媒怕逢花委細蒼苔小桃却自紅如錦
笑倚東風醉入腮

次韻前人城北春行

醉遊不省路東西可意花枝手自提好景未知何處是
謾隨蜂蝶過芳畦

甬東晚望

日落潮生水氣昏回頭天際月如痕數聲寥落漁家笛

吹入薰葭何處村

橫橋觀薺

物理元隨世事新
靜觀知是泮宮人
穿花野薺雖微草
也占年年一分春

錦里觀桃

錦里風光分外香
桃花如市趁時新
鬪風車馬香塵裏
誰是朱門覓水人

夜坐書懷

竹窓燈火足相陪
惟怕梅花畫角催
我欲歌眠尋好處
照人隙月更徘徊

午景書懷

虛齋簷馬自丁東
却在鶯啼燕語中
整屐欲尋花信息
不知柳絮已隨風

詠不開牡丹

一種仙根自洛城
春深何事不花生
芳心未必全羞澁
猶恨東風用力輕

次韻童志道春晚

名斗春

隔窗啼鳥夢驚殘
沈麝香銷冷博山
隻枕半歌閒猛省
又添一日在人間

春午二首

春城那被酒纏綿
燕姁鶯嬌近午天
花影滿簾庭院寂
碧紗窻迥淡如煙

着雨楊花困舞綿
暖風揚作晚晴天
一場春事歸何處
芳草斜陽淡淡煙

傷春

杜鵑非是翠芳殘底事年年叫出山紙帳竹牀清到底
不堪聲入夢魂間

次韻八姪三首

名圭

春色三分一未歸雪肌風態露春微東風且作枝頭主
莫把工夫繡地衣

青妝青蓋送春歸似不經風體力微收拾韻香歸酒盞
惜花何惜醉淋衣

花開便是候催歸
濟楚生香清復微
遙想折來深院宇
似初勻粉小青衣

題嚴子陵釣臺二首

才得心安便是通
乘龍非貴釣非窮
那知碌碌攀鱗者
盡在先生不釣中

方信先生大有功
光皇祇是暫時雄
東都二百年名節
全在桐江一釣風

小雪偶成

小宴珊瑚月未明滿堂歡笑雜蛙聲明朝此會知誰續
試把燈花仔細評

次韻仇生五首

一春風雨笑談疎明日南風夏又初忽枉翠裾詩在手
勝如書尺寄雙魚

學晚唐詩俗見疎君家句法到黃初淡交顧辱聯翩贈
熊掌方嘗又得魚

交不緣詩有密疎詩能宣僞此心初但從禮義中游戲

便是趨庭孔伯魚

詩筒狎至補前疎快似西風捲峽初一片襟懷誰似友
曾從仙李跨鯨魚

羨君詩思九河疎混混泉源只一初我欲驅馳無本領
激溝澮水狎蛙魚

次韻陳師榦喜雨二首

何事猶屯水與雷夜看雲漢歎昭回五龍一日齊行雨
且莫嫌他欠早來

一雨何關百里雷天心端為衆心回閒時試向龍君覓
未必滂沱應手來

次韻李景異

剡溪千古雪坡風收拾寒清入瓮中此味世人那得吮
特將撿撥老詩翁

次韻石瑤林師幹見賀

名正倫

溪頭風浪起虛傳寬大遭逢臺閣賢見說襄城鞭衛士
清朝曾恕范忠宣

解剡孝嘉道中答溪民羣來遮轎問新知縣二首

并寄李宰

名興宗

水淺山深土半沙
刀耕火種做生涯
今年水旱那堪說
存得妻兒能幾家

新知縣是舊官員
說與田家汝有緣
安穩過冬耘二麥
明年纔勝似今年

聞剡人望回

跋涉山程往又還
老懷不是愛遊山
為聞父老勤相送

立滿溪頭幾日間

泌生日二首

為學須知次第功
四書為本要精通
不須妄起功名想
立得身時祿在中

芻藜併日不充饑
玉女于成在此時
道義于人堪雋永
膏粱從古豢愚癡

醉中

樂遊原上少年春
安樂窩中快活身
古到如今能幾輩

吁嗟天也不由人

本堂集卷二

欽定四庫全書

本堂集卷三

宋 陳著 撰

七言絕句

與弟姪觀小圃梅花二首

看花須看未開時到七分開看已遲前輩詠梅多此意
水邊竹外兩三枝

是則看花要及時看花到實不妨遲前輩亦有留佳句

綠葉成陰子滿枝

次韻上乘寺主僧如岳

松澗

詠菊

萬紫千紅各眩名
紛紛兒女哄春榮
屈園秋種無人顧
獨遇陶潛氣始平

次韻梅山送牡丹二首

名蒞字楚秀號梅山

姚根魏撥兩京貴
蜀本黥枝南度春
今日東風為誰好
花香不到獨醒人

毒霧腥塵浣色香
無知蜂蝶自乾忙
醉時須惱不須醉

三斗誰能向汝陽

又次韻二首

猶記年時花不醉老懷今已不成春
深黃淺紫如何在
留得殘鶯啼向人

賦詩誰復待沈香
瀕洞乾坤走險忙
寂寂春光傷感處
瘦來不是沈東陽

三次前韻二首

東風吹送世間塵
斜日消凝洛下春
誰料烏啼成怪事

旁觀自有預知人

花本傷時不肯香
酒無賒處亦空忙
便逢花酒如何醉
回首淒煙鎖景陽

題丹霞洞

丹山高處坐龍宮
山下人歸潤澤中
征馬一塵飛不到
危時方見有神功

謝戴時芳惠物

名方

蟻綠浮香雪外春
錦翰飛動玉枝新
山人已約餐松栢

此餽應知是獲麟

贈醫者趙月堂

乾坤慘淡真愁絕
民物傷殘活欲難
說相說醫當及此
區區哀病不須看

天地中間浩浩歌
從他烏兔健飛過
旁人若問功名事
笑指南柯蟻一窠

春夏交承紅與綠
歲寒三友松與竹
我是蟾宮老桂枝
獨愛上天風霜足

天街追逐邊塵亂更點聽殘鐘鼓院歸舟便覺昔年非
高枕已忘前日倦

粟瓶酒榼近多空書友詩朋亦間逢只有漁樵是知己
也嫌老似雪中松

蕭蕭四壁住殘生不學神仙不學僧有酒未能忘北海
種瓜且自學東陵

自分書生他未暇物外人來偶清話老聃主見一字虛
莊叟寓言專是化

不到西峯為日久一日一日又明日有約為此遊
一片雲山想依舊

正覺留題久岑寂此後此意誰知得老僧揖入廊東頭
摩娑石刻令人憶

老佛眉間屋漏愁殘廊脚下草光浮誰能飢坐蘆穿膝
莫問神通石點頭

小小杯盤共話情茲行聊爾過浮生瘦吟學士如工部
楷法書來近率更

四座詩成已成卷
醉舞者半歌者半
薄雲疎雨且早歸
杜鵑自催鶴自怨

隨意提攜容易率
相約明朝更今日
太白儘可百篇詩
堯夫却有四百出

遊了南山山外山
北山下住更幽閒
消磨永日何妨睡
受用清風不用還

次韻五月六日醵飲茂林

一味清風萬竹林
自行自坐見初心
已拋仙侶枕中夢

能聽老陶琴裏音

次韻如岳惠茶

槐窗夢斷鳳團香
松澗分來雀嘴嘗
勾引清風發吟興
與師意思一般長

次韻答張子開教授

名先遇

兩翁相對五里近
一病同眠八月天
彼此醫治須努力
要成歡醉菊花前

次韻內弟貝端甫

名斗紀

家醉中

軒窗小小受千山杯酒息息勝肆筵滿面春風相照處
話心只話數年前

次韻前人壁間詩

萬宇腥埃風滿山只饒二十里雲間要知人好境不好
最怕身閒心未閒

次前韻

兩處詩家隔一山此心知得兩心間君才終與鵬騰海
我老甘從驥伏閑

示姪泳求牡丹

見說東家有牡丹有花欲覓數枝看若還溺愛慳分送
却與無花是一般

次韻弟觀送牡丹

極目風沙姚魏家耳邊忍聽後庭花誰能把酒花前醉
添得臨風感歲華

四月朔旦過黃山哭刑部百求弟

家

道中五首

河流曲折二十里過了黃山始直東今日卸船須得早

鄮峰已在眼花中

次韻弟觀過黃山

曉雨纔收數點輕
江雲未放十分晴
舟行曲港難為絳
峰有佳山莫問程

八字橋

二靈山下湖先潤
八字橋頭水分此
是江東最佳處
近來風景不堪聞

青山下

千頃田疇麥浪花數家林薄筍抽芽休將世事俱歸夢
頗喜人生尚有涯

磯頭

篙師無力櫓聲柔已分前途夜泊舟忽報西風吹柁尾
不須斜日到程頭

重五有感

登高時節缺雞犬乞巧風流狎女牛何似今朝酹忠魄
殘盃一洗世人愁

試墨三首

元圭珍重鎮書房
紫石磨來瀟墨香
老去苦無閒著述
以分寸計覺時長

墨卿與我是相投
了得時須便罷休
不見江南井中藏
只為相國寺門留

免毫染上何妨淺
蟬葉寫來須放輕
為愛淡中多蘊藉
却嫌濃處太分明

出門偶成

雙鷺飛飛高復低
復低飛下近山溪
一聲樵唱山前路
却又飛歸翡翠軒

疑

遊雪竇仗錫七首

萬仞崖擎碧玉臺
中間一鏡貼天開
四時自與幽花對
一點時妝不照來

右錦鏡池

雪瀑翻崖直下深
自從開闢到如今
寒水澁山風急
不斷朝宗一派心

右飛雪亭

不到茲亭四十年
臨風獨立意悠然
胸中多少難言事
便欲憑高叩九天

右妙高臺

何人擘破隴頭岳
盡束溪流下碧潭
潭底有龍能變化
好將霖雨活東南

右隱潭

平揖天風一望來
蒼崖萬仞兩分開
是中猿鶴亦難得

只有龍雲相往回

右鳧巖

石路崔嵬雲上頭，北雲南雪此鴻溝。
誰人題作跏趺嶺，不到山心不當遊。

右跏趺嶺

山上山根溪一灣，著亭管領此溪山。
雲南更有青天際，步一步高從此攀。

右仗錫入山亭

金匱山先生集卷三
遊蔡峯道三首

恩袍拜後兩周星今日西行得再經
休問庵中僧在否
滿簷松竹舊時青

右碧渚庵前

疊障中開一隙天
數家茅屋鶴巢邊
逢人試問營生法
笑指巖前煮草烟

右半坑

昨日山前痛憶兒
回頭凝望更依依
如今精爽知何在

採得蘭花泣看歸

右回遙望黃沙懷朝兒

次韻戴帥初架閣

名表元

剡居四首

書擔隨身又入山
危途步步轉頭看
近于瀟上二三里
難似江西十八灘

青春踏過洛陽塵
今却尋盟鄭子真
天下方酣施奪事
村中自有遜畊民

見說三間松下屋
更無長物累中心
難忘獨有南風操

時對溪山一鼓琴

隔一青山能幾里頻頻聚首約方來生涯冷淡渾如此
輸與斑衣學老萊

次韻鹿苑寺一覽閣主岳松澗送茶

鹿苑書來字字香滿奩雀舌餉新嘗有時獨坐相思處
一頂松風午韻長

次韻戴帥初村園雜興二首

田不充耕謾壟山焦勞新做鬢毛斑牛歌方見平生戚

魚釜何曾餓死丹

新園本是無多地幾步低平幾步高已逝江湖分燕啄
且從溪谷刮龜毛

教學退作二首

昔年堂上來三鰭今日溪頭領隊魚方信卜居初意好
要教同里識詩書

話言超出求名外心力分從負米餘幼學得詩終有獲
力耕本處賴深鋤

小學識魏

字畫向來雖小技兒時欲學亦難詳
點妝但莫如新婦
端正終須自老蒼

指點方名肩訓蒙一方纔解四方通
定知第一番開說
萬水朝宗是正東

工夫靠裏方為學時習奚分幼壯年
何幸席間提掇緊
最明新處是陳篇

又次戴帥初諸前韻七首

三間老屋坐屏山梅影橫斜細竹斑寡慾自能堅鐵脊
長生何必問金丹

青春本是耐官勞却入山居便養高
清話一間甜蟻夢黃塵萬事等鴻毛

世機毒甚含沙蜮民命危于減水魚
幸有柴門自深閉不妨窓下蠹殘書

世上紛紛博一廬案頭矻矻守三餘
牢辭門外雞豚社菜味深長手灌鋤

幻景為生何短長
癡人得夢亦推詳
餐英謾効獨清屈
飲乳誰皆百世蒼

荷衣瀟颯甘謀拙
甌笠崢嶸任命通
祇為愛山忙入剡
不因思鱸始歸東

君是能詩猶可及
及君不可是吾年
有懷伐木相求意
但誦投瓜永好篇

本堂集卷三

欽定四庫全書

集部

本堂集卷八

四至

詳校官原吉士

臣

李傅熊

主事

臣

呂雲棟覆勘

總校官進士

臣

朱

鈐

校對官主事

臣

陳

壩

謄錄監生

臣

吳貽棟

棟

欽定四庫全書

本堂集卷四

宋 陳著 撰

七言絕句

次韻張子華七夕

名光遇

郎自牽牛女自梭
駕言一歲一相過
不應妄念忘機杼
如此風波亦渡河

次韻劉後村所贈延慶主僧圭復翁詩三首

古往今來幾過帆
天高地下一浮庵
與翁相見亦偶爾
一笑無言意自參

清到復翁方是清
不求名處莫逃名
南湖一片平鋪水
中有拍天波浪聲

一色時妝漆染絲
淡中頭緒自相知
後村已入神仙洞
留得同庚伴賦詩

次韻惟西堂巧山二首

清風明月本無邊
我亦尋盟到白蓮
青玉軒前來坐久

淡中滋味自相賢

一片靈心著古風
清吟披拂到山翁
從教湖海相傳去
知我曾來茅屋中

次和梅山第二首

馬上功名馬伏波
少游終是勝兄多
如今都付忘言處
醉向黃花奈我何

心如古井已無波
無奈山林宿興多
何幸風流存晉宋
不妨詩律效陰何

次和天童僧慧果書記袖詩來訪三首

當年颺捲地輪移挂杖東還雲與飛
太白巖前綠陰下
相逢無語聽催歸

省話何須吞炭瘡安貧便是直鉤心
看來世事真飄瓦
笑殺時流重注金

出山相過便東行水落山空一別輕
留得詩情照窗几
萬花妝裏獨梅兄

次韻屠仰之詠火

名高

孔孟光華不死生
楚秦灰炬謾紛更
莫將燒菜焙浮盡
要把盤根養宿明

贈東隱小師林復祖

名甫德

萬木凋零獨有松
雪霜風裏幾春冬
須知受變方成物
直上雲霄舞翠龍

次單君範

庚金

袖來汪西臯

名元寅字日賓

所誤詠秋十

章以示因和之十絕

鴉帶殘陽入翠微
紛紛黃葉向人飛
西風不管人間事

雁自南飛燕自歸

蘋蓼汀洲紅白分
憂心觸景自如醺
鴻飛本欲冥冥去
萬里長天不放雲

平生念不到輕肥
砧杵淒淒搗布衣
說與妻孥貧自好
相看一笑有春暉

自古年年自有秋
悲秋原只是閒愁
感時祇有長庚子
說到衣冠成古丘

飛飛鴻雁舊山川
有泪沾衣感昔賢
猛拍闌干因猛省

從來滄海變桑田

木犀風了桂花風幾日中間景不同惟有黃花偏耐老
飽收霜露正成功

露獲歸來婦爨催西風滿屋飯香來癡兒得飽牛衣舞
也要人呼小老萊

平生四海有知心宿草秋風只感今獨向西臯一回首
未曾半面已蘭金

夢斷康衢立極謠心如泥絮看萍飄一清盞與金溪水

同味誰爭鹽海潮

昏眊望香水雲村好句從來風月人
瓦缶不量追大呂
冰壺何惜受纖塵

贊齡叟留東隱二首

纔出家來恩愛輕師于東隱却關情
一盂菜飯分留與
方信空門有弟兄

一片丹山雲出山慈雲高處共清閒
春風輕借吹噓力
出本無心也會還

蒙齋習庵皆有詩在慈雲閣沈端憲又有記文刻

石因成二絕

習老蒙翁兩達尊借他僧偈說慈雲一番入寺一感愴
細讀古碑端憲文

景照堂中憩佛寮闌干憑處接雲高賦詩時會苦吟甫
破約難留嗜酒陶

寄南湖主人海雪吟

別雪岑翁不記年翁今來管四明天看翁捲起南湖浪

浣盡浮塵結淨緣

哭趙觀使墓

名江夫

十載重來古樹陰
眼前新塚泪沾襟
歸家當與兒童說
要識如今展拜心

送酒與葡萄與來石門

山泉釀出苦醅硬
野蔓生來酸子圓
此味不投甜世界
遣教叅透石翁禪

早晴出門

山光溪色曉晴間
鷗鷺在溪雪滿山
忽然自笑還自語
白日何似溪山閒

南山白雲

一片白雲飛入山
須臾亦出在人間
我歸十年不復出
說道雲閒我更閒

偶成

赤日途中嚼冰雪
紅塵城外見林泉
一時邂逅猶快意
十載清閒我謝天

早行到慈雲

出門早作慈雲行樓閣崢嶸殘月明
老耳虛鳴眼帶夢恍然和寧聞六更

酒邊

茶甌纔退酒盃來酒興濃時盃復盃
也須留取三分醒要帶明月清風回

送董稼山二首

三年一去西山雲一見欲別心如熏
勸君且為更盡酒

何時得與重論文

白髮蕭蕭送出門相攜相看兩無言祇應今日往來夢
攪破百里梅花村

梅山醉歸

山風滿松松氣香松香如酒入詩腸悠然一醉便歸去
如夢未覺無何鄉

乙酉正月九日遊慈雲三首

數曲清溪山抱回青山高處醉筵開忽然鼓笛太平調

便是洞庭聞樂來

人生此會能幾回
坐上有客皆懷閒
更聽陽關三疊曲
何日復遇此翁來

溪自是溪山自山
溪山不與我人間
古往今來只如此
看盡人間忙與閒

元宵薇山內弟酒邊五首

趙必昌
字景文

青燈連夜得論情
瓦缶方淫獨古聲
人意好時天亦應
滿山風雨忽開晴

燈宵處處是春臺
盡夜還家亦快哉
說與諸兒此行好
滿襟帶得義風歸

火是人生日用資
難憑回祿做兒嬉
千燈照夜成何事
一點疎防萬屋危

日星明概朝廷福
燈火安和田里豐
此是古今真樂事
夜燈何用煽淫風

一爐楮拙一燈寒
尊酒流連到夜闌
惟有冥心傷世變
誰開醉眼看狂瀾

與西寺月石橋二首

脊梁硬豎支撐佛心地平鋪濟渡人不比天台無用物
祇將奇險誑愚民

相逢相約到雲間欲往從人却又還留取有餘無盡意
眼中處處見西山

上乘方丈

石邊流水竹邊松中有十年前好風悠然自得忽自笑
今日何日此山中

宜晚小酌二首

天理人倫古到今一門三世弟兄心
紫荆樹樹花如錦
方信春風無淺深

濁酒三盃三代醇中間滋味是人倫
世人毫末成秦越
要看家風我姓陳

坐凝光亭看麥

十日前來翠滿腔重來二麥已搖黃
春風亦是知艱食
日夜吹噓早熟香

偶成梅山園有酌

易來難去家半里似有還無雨數絲
爛醉池邊野花下
黃昏猶有未成詩

留稼山

山巖如拳未有筋
溪魚子腹不生鱗
明朝二味三盃酒
此意良真莫語人

齒叟得稼山好語因贊之

高懷不是愛山行
鐘鼓樓前有宿盟
今夜老禪聯榻外

定應說到有西成

弟觀為衆奉里神于丹山僧舍有五絕因趁韻

一入丹崖第一坳悠然此意已有巢吸泉煮茗濡吟吻
洗盡人間血肉庖

人衆由來口鑠金謾從時好答人心堪憐寒露冰壺玉
塵滿冠巾汗滿襟

一卷新吟水石香頓教塵濁變清涼喚醒心下十年夢
拜舞薰風面舜廊

老我今年七十二已無半念到窮通北窓一枕羲皇上
日自流西水自東

迎神舊是醉譁場權禁方嚴酒有坊幸免呌囂成鬼市
不妨安穩服農忙

重午酒邊四句書宜晚

七十二齡重午酒百千萬變獨閒身細看榴艾祇自醉
同弔芷蘭能幾人

丙戌人日與內姪汪景淵同飲于宜晚二首

憶昔兒嬉祖母傍如今甲子一周強
畫窓三世親親話
分付兒孫此意長

危世相逢三載間
春風盃酒此時難
雙溪不是無風月
世味何如菜芋盤

應百里李天益來求作奉川十詠似之

高山處處著虛軒
來此憑欄便欲仙
下視浮雲隔黃霧
半迎行日上青天

右廣莫軒

一水流南抱縣行一橋在上壓溪橫傍闌多少人觀政
要與橋平水與清

右慶登橋

庭中說法有親聽龍去庭空水一汀獨有亭亭歲寒柏
不知人世自青青

右虛白觀

傳說當年契此翁偶然來此笑春風忽拋布袋歸何處
地下天高一閭空

右岳林

乳峯真可避人間上妙高臺天可攀未說曠懷便笑傲
堪從險處習間關

右雪竇

誰把深紅淺綠蟠羽毛飛動倚風闌時人不識來儀瑞
只向花前想像看

右鳳花

皮皺肉緊髮蒼然伏雪眠風傲歲年不見南鄰龍卧者

本心元自直通天

右龍松

千尺嶙峋直立形流傳神應挾風霆石身本聚山川氣
便是人心聚處靈

右石夫人

火珠簇壓翠微鮮丹粒團成蜜顆甜爭為渴饕供燕豆
誰知潁汗困償藍

右楊梅

微風篆水自成碑
清月磨潭不受疵
萬里此通歸去路
扁舟堪載送行詩

右耀碑潭

本堂集卷四

欽定四庫全書

本堂集卷五

宋 陳著 撰

七言絕句

到梅山弟家見瑞香盛開醉書

地因勝境閒中見花為騷人分外香
數步出山何世界一春無事是風光

送君範到下溪頭

老來多病脚蹣跚不覺追行一里寬
歸去閒門還靜坐
世途步步是邯鄲

酒後四句示梅山弟

濛濛細雨濕春風家在青山啼鳥中
有酒可盃書可讀
何須門外問窮通

用梅山醉中韻三首

一窓桃李夾垂楊一卷離騷一炷香
閑眼坐來開眼笑
到無言處是春光

滿世楊花桃李妝自家采采芷蘭香無從捉鼻如安石
相與齊眉有孟光

吟搜菜味詩宜瘦睡足花時夢亦香閒也曾忙老彭澤
存而無用古靈光

兒童以石舟戲於池

浮生已付四宜休老病光陰黃葉秋底用燕嬉居畫舫
何妨飄忽悟虛舟

有感

天將轉冷熱連日雲欲開晴雨數絲造物從容消長處
盡將人事此中推

臨行別單景山

我哀已分龜頭縮君健方知鶴翅掀
尚能時節候高軒
早韭晚菘冬芋栗

飲于梅山弟家醉書八首

梅山半載在城中辜負山中月與風
老我相逢還一笑
弟兄能有幾人同

老我衰顏百念煎
梅山少我十三年
人生不問壽長短
得一日寬皆是仙

象棋一局酒三盃
此樂都從靜處來
明月清風不輕與
青山流水要相陪

有約相過亭午天
日斜猶在酒盃間
遲遲要待月明去
意在弟兄非在山

人間盃酒易睽乖
祇為閨門意弗諧
每到梅山醉終日
不聞人語自安排

年少心懷早可人酒邊一笑見真淳但從此日涵濡去
更把詩書沃此身

右示聖涯姪

梅山醉裏抱山孫春入孩顏笑語溫淡靜心田無妄念
祇將詩禮種家門

右喜見山孫

世變其如我醉何兒孫扶路日西斜風吹醒處愁依舊
蕭颺乾坤菊兩家

右感慨前事

梅山摘其八絕為四首和來余因次韻

梅山半載在城中帶得山間物外風
隨境動時元自靜
與人和處底須同

辜負山中月與風心無城市亦山中
應嫌猿鶴天機曠
要與同行不肯同

老我相逢還一笑
盃盤草草自家風
從人謾說侯鯖好
難與耆英菜味同

弟兄能有幾人同酒趣詩情冷淡中須記松梅滿山雪
莫隨桃李杏花風

次韻梅山弟醉吟七首

高明所志希賢聖愚暗惟知事鬼神老我激昂非矯物
本心標榜未輸人

暗簷行吟梅影瘦午窓坐睡檀絲長不作上下四方夢
何妨叅受三峯香

隱處是丹里先生放游是司馬子長試問梅山老居士

判斷兩家誰最香

魚眼死也依然張鶴頸生來如此長凡物不齊各有分
不須逐臭存吾香

蚊翼只為黃昏忙鵲心自與青天長世人皆失我獨得
春風浩浩詩書香

開眼門外世夢短忘情尊前閒意長邂逅當有赤松子
歌舞何用楚蘭香

人于忙處不知老詩到醉時方是真相對梅山幾盃酒

不知身亦是令人

呈竹石亭

說道疎時元是密偶於忙處得尋閒宿愁複嶺重山外
新趣清風明月間

登慈雲閣偶成三首

五里晴行信一筇入松迎面舊松風斜陽歸路樵漁笑
翁自何來半醉中

悠悠雙鷺趁溪飛欲帶清風何處歸湖海近來難着脚

靈山深處自知機

行人笑我又偷閒說與行人聽我言知得浮生皆定分
有誰教汝自煎煩

呈齡叟二首

溪山五里眼花中萬變風光摠一空惟有老師無處語
依然只是舊家風

別倪忞回

七十四歲已見境九千百步尚尋山暗從今日逆數轉

能得平生幾日閒

次兒瀹呈石秀叔

名大震韻

寒雨滿城詩客孤
秋風萬山帽人少
何如對牀千古心
白髮黃花傲昏曉

趙月堂來問比日何似答之

欲死不死命相若
此心何心誰得知
湖海逢人借問我
為說如醉如盲癡

為茂林老乘獨舟四句

海浪如山不着帆任風吹去渺茫間誰知緣法有到處

少茂林泊處深山

句疑

薇山處過番石渡遭渡子無禮傷臂因成二首

卧如龍奮亮當貴射可猿通廣欲飛誰料舟人為敵國
祇應山鳥恠儒衣

唾來不拭如師德怒至無遷學子顏淺眼方知有滄海
惡聲寧復到薇山

遊靈濟寺方丈酒邊

天畫軒前酒一盃
愛閒能有幾人來
明朝又入深山去
安得如潮日雨回

靈濟寺午睡起

江上春風底事寒
主張火櫃一雷轟
不甘酒力濃時困
自是人情熱處安

到梅山處三首

種成梅竹趣何澹
說到詩書心自閒
滋味深長在物外
塵埃分付與人閒

溪山有分皆為福草木無成半計功小小梅園胸次濶
到忘言處只春風

斜陽已在古松間杯酒相留未放還此是古人真率意
誰知今日有梅山

詠鷺

玉雪毛衣晤對閒平生慣弄碧潺潺春風喚起雙飛興
不得魚蝦也入山

送許耀卿入越

名明奎

三宿相留亦是緣東風吹上鏡湖船閒心可為流觴事
古眼應探窆石前

次韻內弟汪英春來弟家省母二首

菽水可歡須且住粟布相容何必去縱然有約奉歸軒
也待春程香煖處

綠衣何魯介老懷彩褐竭來舞春階方知無忝所生處
不犯河魁也是齋

朝歸生日女洸有詩因次韻

老爺不記女生辰一見盃盤便是春
兄姊妹言兒記取同胞皆是讀書身

春夜夢中得四句

北海座上客常滿陳平席門車亦多
貧富不關交際事二公門戶亦山河

次韻奉慈寺主居簡

納交雖淺自知深一見如抽病眼鍼
已約飛雲狎來往誰知峯頂有千尋

似居簡

老歲雖尋相近寺危時欲見得交人平生自有凌雲志
只恐峯高不受鄰

與徐國英

名應
蜚

坐西窻渴睡中得四句

古語相宜數日陪西風未放木犀開子方興盡欲歸去
小雨又從溪外來

晚晴次前韻似前人

雨中菜酒得相陪天忽安排晚霽開明月歸途定回首

橘香時節又須來

謝居簡送茶麪

銀絲餅熟笋供臠玉糝羹香茶漱牙食粥案頭添雅供
不知此味更誰家

次韻僧雲岫寄東臯寺主智恭

聞說東臯絕點埃笑飛鐵錫把山開何須一面方相識
曾見藕花詩句來

次前韻似雲岫

一簾雲影隔塵埃
小小禪心為客開
坐久不知風雨惡
栢爐香裏話詩來

次前韻寄天寧老可舉

吳直翁

避生日於西山

迎錫清風掃夙埃
烟霏空翠畫圖開
西山山上千年鶴
認取年年一度來

次雲岫惠茶

滿啜禪林五味茶
清風吹散事如麻
客中邂逅真奇絕
不比尋常賊破家

謝雲岫重五送酒粽

金黍瓊漿忽到前方知相近弔湘天客中寂寞堪騷屈
暖熟風光出老禪

次韻史猷父

名徽孫

來見

詩書門戶耿餘光殘月孤星各一方白首相逢笑相問
何如耆舊在襄陽

高潔堂

名統心

來見因次前韻三首

室而晦處有通光內外相須是直方認取青氈為舊物

要看鳴鳳在朝陽

君家文獻日爭光
聲價如今重上方
我老尚知師古學
為搜古集到渠陽

詩屋中間借隙光
老來猶苦未知方
羨君句法源頭活
此意曾參到紫陽

次韻雲岫偶成

偶來雲外見青山
有感人間兩觸蠻
誰識禪心夜來雨
西風喚起喜中嘆

次韻戴帥初覓茶子二首

風流清苦自成家，要擷春香煮雪花。
知味不隨鴻漸唾，剡翁自種剡翁茶。

新詩著意不曾疎，苦覓茶栽勝索租。
搜送堅霜千碧顆，難酬五十六明珠。

聞鶯

當年百轉建章宮，調入新詩麗曲中。
老耳如今聽不入，為誰猶是咽東風。

綠陰

風枝雨葉細成陰
掃退浮紅浪紫塵
慚我老蒼留本色
安排晚景見新春

本堂集卷五

欽定四庫全書

本堂集卷六

宋 陳著 撰

七言絕句

外孫王相兒

名玠字孟成

求寫送春三詩併示

相兒一揖笑嘻嘻
要寫醪醑架下詩
留取他年時展看
外家風景有當時

次韻招弟輩飲

淺量能消酒幾盃爭如俗子厭人來明朝定到梅山下
不管梅花開未開

王得淦招飲席上二首

親戚疎疎已曉星盃中滴滴是真情近來此酒誰家有
除却旗亭無笑聲

太史應須奏德星老夫相與證高情盃盤楚楚饒詩興
寫出人間淡處聲

王相兒求詩

相兒執筆請翁書要受持從入學初我有至言兒聽取
心宜莊敬氣安舒

戴仲倫求詩

來翁攤紙要求詩猶勝兒童弱弄嬉叅得純公行樂意
傍花隨柳在他時

次韻兒瀹六月十二日登東坑嶺

欲壽吾前酒一行走三百里火雲程熱時却有寒時節
汝母梅花臘底生

次兒泌韻

門外風塵付一吁何妨稼圃學樊須油油本是人難浼
皎皎奚憂我易污

姪孫槃獻醉鱖以一絕示之

年來只識釜中魚入海脩鱗夢也無寶釐帶糟俄入眼
兒童驚問哄寒厨

答青醫王東林求詩

我抱東林未見心諸賢詩上見東林兩瞳不覺鍼鋒到

一瞬清風掃宿陰

送林方叔

名度
玉

赴范氏館

家食城南擅獨賢
夜占奎壁半移躔
東風絳帳渾閒事
先世青氈是宿緣

次韻張君壽

名希
崖

來見二首

萬錯生于一動間
老夫不是不知還
春風百里回頭處
莫怪移文到北山

大學門庭未易登
參前新意逐時生
須教一敬存神舍

莫是多吟費管城

醉中示梅山弟二首

夜燈曾醉藕花涼
筍擔歸來雨亦香
閒裏不妨長聚首

人生能得幾斜陽

兩山合秀水流中
茅屋相忘松竹叢
時節往來容易事
菜湯父酒一家風

謝紹興石梅癯

名正紀

遺本堂兩篆書

飛下雲間玉筍書
忽如夢覺揖梅癯
古來髓脈今誰識

稱得山中老餓夫

九月一日戴時可

名寬興

酒邊

老夫不是不知時黃菊芙蓉正要詩誰信多魔兒女病
催租風雨又攢眉

次前韻

不知今日是何時只管飛毫醉夢詩天地本來寬着我
可曾寒餓一低眉

次韻女洸九日坐病與泌詩

翻海誰能實漏卮
世情分數逐時支
三年兩滿何須計
父子初心要自知

次韻汪英春九日酒邊

有客相過風雨秋
唾飛珠玉勝珍羞
但知女似謝道韞
不道吾為馬少游

次韻東平趙益三首

脩鱗化作偃松寒
數百年間一夢看
何似起來雲擁去
為天行雨萬民歡

右松龍

翠紅翼翼寶坊間
曾入瑤宮白玉闌
飛上朝陽瑞天下
靈根變化本無難

右鳳花

野迥山空風撼鐸
孤墳寂寂春光薄
誰問布袋事有無
水自東流日西落

右塔亭

快活吟第三筆示諸兒

小兒求我第三筆醉中言語不擇出老懷空空無他腸
汝祖心事須當畢

復越悟本寺主僧文蔚惠丹劑

師歸古越老梅根我住小丹山下村贈我金丹知有意
要生羽翼到雲門

次韻錫竇寺主僧炳同

號少野

招遊山二首

萬葉逢秋又繡斑珠林錦鏡好追攀人生行樂非容易
本是閒人也未閒

飛下吟牋墨妙斑空攀難對敵家攀肯分半榻清風況
翻恠詩來撓聒閒

次前韻二首似前育王寺主僧如日

見說東巖弄一斑萬人表立許誰攀笑相逢處行雲住
誰主誰賓相對閒

桂漸吹香菊漸斑西風送步得高攀天開圖畫着二老
我亦何妨一笑閒

上巳酒邊示女

冲二首

女沖踏露折棠花
引得兒童哄一家
說道今朝修禊日
暫拋針線樂年華

年華浮動酒中心
笑向吾前滿滿斟
猶喜家貧詩禮在
一杯真率勝山陰

題思遠行業碑

虎溪雖小深似海
截斷英雄富貴塵
却與淵明過溪笑
方知心自有高人

寄題剡竺貫之書堂

一片心田種善根
榮為枝葉長兒孫
又從今日相培去
百世金庭好石門

贈茅意山主簿

旅鎖傾城慰寂寥
詩編到眼見賢勞
三年鸞鳳風聲好
萬里驂騑地步高

次韻邑宰徐何謙

名文郁

道中詠風雨中聞藕花

香

眼空塵世粉紅嬌
看了濂溪興自饒
風雨中間曾着句

滿身身到慶登橋

次前人為余置酒邑廳見示

公事無多白日閒
笑談風月傲方干
馬鞭雖少難供賦
突兀南山翠撲鞍

次前人似任叔實

名士林

字字真真幻幻心
講甄須體美中箴
分明示我豬龍訓
翦說成他鸞鵲襟

丁丑五月六日
曠飲茂林偶成

夾路松杉護午陰
南風吹透樹中心
一聲婆餅焦何處
妙法蓮花此妙音

答法椿張老口占

牀前何必問云何
霜頂誰將手自磨
可是法身真有病
皺眉頭處為人多

似僧一寧

號一山

邂逅交情雲水間
茶甌香鼎話清閒
他年燕坐千峯上
認取一山山外山

似僧耕野雲

浮雲一片出天涯
南北東西總是家
飛到五山山絕頂
風雷變化雨河沙

次韻僧雲岫見寄

憶昔宮花壓帽簷
如今野褐替朝衫
邯鄲夢覺身猶在
安得寒山喝破巖

到西山懷趙文

曉日南窓一煖烘
採薇人去與誰同
人生畢竟皆如此

休怪浮屠只說空

次韻椿長老惠蓮花扇

蓮花法界走輿臺兩扇香風為我開
藜藿皮毛消不盡若為回向老如來

代弟蒞詠梅畫十景

攬得江南第一春竹籬茅舍便精神
百花頭上無相識只有東風是故人

右先春

分甘冷落傍朱門傲雪欺霜百歲根惆悵西湖人不見
暗香依舊月黃昏

右古枝

斜斜瘦影兩三枝只許寒窻人自知猶恨嫦娥收不盡
却歸羌管曲中吹

右宜月

生香自恨玉為容誰放晨光淺碧籠隱約風標難畫處
邯鄲人在夢炊中

右卧烟

處子從來不世妝
老蒼相對本相忘
猶嫌曾受秦封汚
冷笑無言祇自芳

右依松

香在溪頭古晉林
瀟瀟風雨滌塵襟
休尋白玉堂前夢
自有此君知此心

右依竹

天花包盡世間羞
也到孤山老樹頭
寄語東風為吹拂

本來面目自風流

右雪裏

打頭二十四番信吹透天香雪裏枝總被詩人收拾去
封姨正自未能知

右風前

獨占初春早卸芳肯隨桃李眩濃妝如今不到壽陽額
自做孤村流水香

右飛花

碧實圓成重壓枝萬紫千紅竟何知是雖不入甜人口
留得青酸有用時

右結實

本堂集卷六